

Ven altn Schlog

C G
Ja iza härt sich alles auf, da Walt werd ganz verkehrt,
C
mr muß sich när su wonnern, wos mr alles für Dinga härt.
F
Es traut kaa Mensch en andern net, ich kah dos net verstieh,
G C G C
denn ich bie noch aaner ven altn Schlog on bleib aa wie ich bie,
F C G C
denn ich bie noch aaner ven altn Schlog on bleib aa wie ich bie.

Ja heitzetoch werd viel geredt, mr macht aa viel Geschrei,
hot aaner a bessersch Röckl ah, do bildt'r sich schu wos ei.
Nu meistwaagn kännisa seidina Röck on sammita Husn abzieh,
denn ich bie ...

A Paar festa Stiefl, a darwa Hus', ofn Kopp en altn Hut,
ena bloa Schürz on en Gebl ah, is ve onneran'n ganz gut.
Ema Hals do kömmt a Lüchl rem, eb's rut is oder grü,
denn ich bie ...

Ich mach net viel Geschichtn rem, soch's raus, wie ich's drinna ho,
denn da Hauptsach is da Maaning, ofn Wort kömmt's gar net ah.
Ich halt viel of Gemütlichkeit, bie lustich, wu ich gieh on stieh,
denn ich bie ...

Komm ich amol in Wirtshaus nei on trink mei Halwa Bier,
do bie ich lustich on wuhlauf, mr kah halt nischt drfür.
gefellt mr'sch racht, do bleib ich aa ebber gar amol bis früh,
denn ich bie ...

On kömmt amol mei legta Stund, amol muß doch aa sei,
do pack ich meina Zwatsching z'samm on zie in Himmel nei.
Zen altn Petrus soch ichs gleich, ar werd mich wuhl verstieh:
Du, ich bie fei noch aaner ven altn Schlog on bleib aa wie ich bie,
du, ich bie noch aaner ven altn Schlog on bleib aa wie ich bie.